

四庫全書

集部

欽定四庫全書

古樂苑卷十三

明 梅鼎祚 編

橫吹曲辭

二

梁 陳

梁鼓角橫吹曲

古今樂錄曰梁鼓角橫吹曲有企喻瑯琊王鉅鹿公主紫騮馬黃淡思地驅樂崔勞利慕容垂隴頭流水等歌三十六曲二十五曲有歌有聲十一曲有歌是時樂府胡吹舊曲有大白淨皇太子小白淨皇太子雍臺榆臺胡道利瓶女淳于王捉搦東平劉生單迴歷魯爽半和企喻北

欽定四庫全書

古樂苑
卷十三

一

敦胡度來十四曲三曲有歌十一曲亡又有隔
谷地聖樂紫騮馬折楊柳幽州馬客吟慕容家
自魯金由谷隴頭魏高陽王樂人等歌二十七
曲合前三曲凡三十曲總六十六曲江淹橫吹
賦云奏白臺之二曲起闌山之一引採菱謝而
自罷綠水慙而不進則白登闌山又是三曲按
歌辭有木蘭一曲
不知起於何代也

企喻歌辭

古今樂錄曰企喻歌四首本北歌唐
書樂志曰北狄樂其可知者鮮卑吐

谷渾部落稽三國皆馬上樂也後魏樂府始
有北歌即所謂真人代歌是也大都時命掖
庭宮女晨夕職之周隋世與西涼樂雖奉今
存者五十三章其名可解者六章慕容可汗
吐谷渾部落稽鉅鹿公主白淨皇太子企喻
也其不可解者咸多可汗之辭北虜之俗呼

主為可汗吐谷渾又慕容別種如此歌是燕
魏之際鮮卑歌也其詞虜音竟不可曉梁胡
吹又有大白淨皇太子小白淨皇太子企喻
等曲隋鼓吹有白淨皇太子曲與北歌校之
其音皆異又有半和企喻北
敦蓋曲之變也四曲曲四解

男兒欲作健結拌不須多鷄子經天飛羣雀兩向波
放馬大澤中草好馬著臙牌子鐵襖襠鉅鉞鷁尾條
前行看後行齊著鐵襖襠前頭看後頭齊著鐵鉅鉞

男兒可憐蟲出門懷死憂尸喪狹谷中白骨無人收

古今

樂錄云是符融詩本云深山解谷口把谷無人收

頭毛墮落魄飛揚百草頭

或云

欽定四庫全書

古樂苑
卷十三

二

後又有
此二句

瑯琊王歌辭

八曲曲
四解

新買五尺刀懸著中梁柱一日三摩娑劇於十五女

瑯琊復瑯琊瑯琊大道王陽春二三月單衫繡襦襠

東山看西水水流盤石間公死姥更嫁孤兒甚可憐

瑯琊復瑯琊瑯琊大道王鹿鳴思長草愁人思故鄉

長安十二門光門最妍雅渭水從壟來浮遊渭橋下

瑯琊復瑯琊女郎大道王孟陽三四月移鋪逐陰涼

或又

有云盛冬十一月就女覓凍漿

客行依主人願得主人彊猛虎依深山願得松柏長

懽馬高纏繫遙知身是龍誰能騎此馬唯有廣平公晉書

載記廣平公姚弼興之子泓之弟也

鉅鹿公主歌辭

唐書樂志曰梁有鉅鹿公主歌似是姚萇時歌其詞華音與北

歌不同三曲曲四解

官家出遊雷大鼓細乘犢車開後戶

車前女子年十五手彈琵琶玉節舞

鉅鹿公主殷照女皇帝陛下萬幾主

紫騮馬歌辭

吳兢曰此詩晉宋入樂奏之首增四句名紫騮馬十五從軍征以下

是古詩六
曲曲四解

燒火燒野田野鴨飛上天童男娶寡婦壯女笑殺人
高高山頭樹風吹葉落去一去數千里何當還故處
十五從軍征八十始得歸道逢鄉里人家中有阿誰
遙看是君家松柏冢累累兔從狗竇入雉從梁上飛
中庭生旅穀井上生旅葵春穀持作飯採葵持作羹

羹飯一時熟不知飴阿誰出門東向看淚落沾我衣

紫騮馬歌

古今樂錄曰
與前曲不同

獨柯不成樹獨樹不成林念郎錦襖恒長不忘心

黃淡思歌辭

古今樂錄曰思音相思之思按李
延年造橫吹曲二十八解有黃單

子不知與此同
否四曲曲四解

歸歸黃淡思逐郎還去來歸歸黃淡百逐郎何處索

心中不能言復作車輪旋與郎相知時但恐傷人聞

江外何鬱拂龍洲廣州出象牙作帆檣綠絲作幃綵

綠絲何歲蕤逐郎歸去來

地驅樂歌辭

古今樂錄曰側側力力以下入句是今歌有此曲四曲曲四解

青青黃黃雀石積唐槌殺野牛押殺野羊

驅羊入谷自羊在前老女不嫁蹋地喚天

側側力力念君無極枕郎左臂隨郎轉側

摩將郎鬚看郎顏色郎不念女不可與力

或云各自努力

地驅樂歌

古今樂錄曰與前曲不同

月明光光星欲墮欲來不來早語我

雀勞利歌辭

一曲曲四解

雨雪霏霏雀勞利長觜飽滿短觜飢

慕容垂歌辭

晉書載記曰慕容本名軻尋以識記乃去軻以垂為名慕容雋楷號

封垂為吳王徙鎮信都太元八年自稱燕王三曲曲四解

慕容攀牆視吳軍無邊岸我身分自當枉殺牆外漢

慕容愁憤憤燒香作佛會願作牆裏燕高飛出牆外

慕容出牆望吳軍無邊岸咄我臣諸佐此事可惋歎

隴頭流水歌辭

古今樂錄曰樂府有此歌曲解多於此按漢橫吹曲有隴頭而

亡其辭三
曲曲四解

隴頭流水流離西下念吾一身飄曠野

西上隴阪羊腸九回山高谷深不覺脚酸

手攀弱枝足踰弱泥

隴頭歌辭

隴頭流水流離山下念吾一身飄然曠野

朝發欣城暮宿隴頭寒不能語舌卷入喉

隴頭流水鳴聲幽咽遙看秦川心肝斷絕

隔谷歌

古今樂錄曰前云無辭樂工有辭如此

兄在城中弟在外
弓無弦箭無括
食糧乏盡若為活
救我來救我來

隔谷歌

郭本別列在後今從左本附此

古辭

兄為俘虜受困辱
骨露力疲食不足
弟為官吏馬食粟
何惜錢刀來我贖

淳于王歌

肅肅河中有育熟
須含黃獨坐空房
中思我百媚郎

百媚在城中千媚在中央但使心相念高城何所妨

東平劉生歌

東平劉生安東子樹木稀屋裏無人看阿誰

捉搦歌

四曲

粟穀難舂付石臼敝衣難護付巧婦男兒千凶飽人手
老女不嫁只生口

誰家女子能行步反著袂禪後裙露天生男女共一處
願得兩箇成翁嫗

華陰山頭百丈井下有流水徹骨冷可憐女子能照影
不見其餘見斜領

黃桑柘屐蒲子履中央有系兩頭繫小時憐母大憐婿

何不早嫁論家計

系一作絲

折楊柳歌辭

瑟調有折楊柳行左克明云舊本五解後又有三解非也乃別曲耳

上馬不捉鞭反折楊柳枝蹀座吹長笛愁殺行客兒

腹中愁不樂願作郎馬鞭出入環郎臂蹀座郎膝邊

放馬兩泉澤忘不著連羈擔鞍逐馬走何得見馬騎

遙看孟津河楊柳鬱婆娑我是虜家兒不解漢兒歌
健兒須快馬快馬須健兒跼踖黃塵下然後別雄雌

折楊柳枝歌

郭本別列在後
四曲曲四解

上馬不捉鞭反拗楊柳枝下馬吹長笛愁殺行客兒
門前一株棗歲歲不知老阿婆不嫁女那得孫兒抱

敕敕何力力女子臨牕織不聞機杼聲唯聞女歎息

此與

下問女二句
木蘭詩中語

問女何所思問女何所憶阿婆許嫁女今年無消息

幽州馬客吟歌辭

五曲曲
四解

快馬常苦瘦，勦兒常苦貧。
黃禾起羸馬，有錢始作人。
熒熒帳中燭，燭滅不久停。
盛時不作樂，春花不重生。
南山自言高，只與北山齊。
女兒自言好，故入郎君懷。
郎著紫袴褶，女著綵袂裙。
男女共燕遊，黃花生後園。
黃花鬱金色，綠蛇銜珠丹。
辭謝牀上女，還我十指環。

慕容家自魯企由谷歌

一曲
四解

郎在千重樓，女在九重閣。
郎非黃鸝子，那得雲中雀。

高陽樂人歌

古今樂錄曰魏高陽王樂人所作也又有白鼻騮出此二曲曲四解

可憐白鼻騮相將入酒家無錢但共飲畫地作交賒

何處碟觴來兩頰色如火自有桃花容莫言人勸我

白鼻騮

後魏溫子昇

少年多好事攬轡向西都相逢狹斜路駐馬詣當壚

雍臺

梁武帝

日落登雍臺佳人殊未來綺牕蓮花掩網戶琉璃開葦
葦臨紫桂蔓延交青苔月皎光陰盡望子獨悠哉

同前

吳均

雍臺十二樓樓樓鬱相望隴西飛狐口白日盡無光

木蘭詩

二首古今樂錄曰木蘭不知名詐作男
子代父征行其辭最苦言萬里赴戎機

關山度若飛相和曲有度關山類此浙江
西道觀察使兼御史中丞韋元甫續附入

唧唧復唧唧木蘭當戶織不聞機杼聲唯聞女歎息問
女何所思問女何所憶女亦無所思女亦無所憶昨夜
見軍帖可汗大點兵軍書十二卷卷卷有爺名阿爺無
大兒木蘭無長兄願為市鞍馬從此替爺征東市買駿

馬西市買鞍韉南市買轡頭北市買長鞭旦辭爺孃去
暮宿黃河邊不聞爺孃喚女聲但聞黃河流水鳴濺濺
旦辭黃河去暮至黑山頭不聞爺孃喚女聲但聞燕山
胡騎鳴啾啾萬里赴戎機關山度若飛朔氣傳金柝寒
光照鐵衣將軍百戰死壯士十年歸歸來見天子天子
坐明堂策勲十二轉賞賜百千彊可汗問所欲木蘭不
用尚書郎願馳千里足送兒還故鄉爺孃聞女來出郭
相扶將阿姊聞妹來當戶理紅粧小弟聞姊來磨刀霍

霍向猪羊開我東閣門坐我西間牀脫我戰時袍著我

舊時裳當牕理雲鬢挂鏡帖花黃出門看火伴火伴皆

驚忙同行十二年不知木蘭是女郎雄兔脚撲朔雌兔

眼迷離雙兔傍地走安能辨我是雄雌

唧唧復唧唧一作促織何唧唧

旦一作朝至一作宿賞賜一作賜物可汗問所欲木蘭不用尚書郎一作欲與木蘭賞不願尚書郎願馳千里足西陽謠俎云願借明駝千里足阿姊聞妹來一作阿姊聞姊來挂一作對皆作始朔作握迷作彌雙作兩

木蘭抱杼嗟借問復為誰欲聞所憾憾感激彊其顏老

父隸兵籍氣力日衰耗豈足萬里行有子復尚少胡沙

欽定四庫全書

古樂苑
卷十三

十

沒馬足朔風裂人膚老父舊羸病何以彊自扶木蘭代
父去秣馬備戎行易却紈綺裳洗却鉛粉粧馳馬赴軍
幕慷慨攜干將朝屯雪山下暮宿青海傍夜襲燕支虜
更攜干闥羌將軍得勝歸士卒還故鄉父母見木蘭喜
極成悲傷木蘭能承父母顏却卸巾幘理絲簧昔為列
士雄今復嬌子容親戚持酒賀父母始知生女與男同
門前舊軍都十年共崎嶇本結兄弟交死戰誓不渝今
也見木蘭言聲雖是顏貌殊驚愕不敢前歎重徒嘻吁

世有臣子心能如木蘭節忠孝兩不渝千古之名焉可


滅

古文苑作唐人木蘭詩

橫吹曲

陳江總

簫聲鳳臺曲洞吹龍鍾管鏜鏜漁陽慘怨抑胡笳斷



古樂苑卷十三

欽定四庫全書

集部

古樂苑卷十四

詳校官編修臣李堯棟

侍讀臣孫球覆勘

總校官降調編修臣倉聖脉

校對官主事臣陳文樞

謄錄監生臣劉昀

欽定四庫全書

古樂苑卷十四

明 梅鼎祚 編

相和歌辭

宋書樂志曰相和漢舊曲也絲竹更相和執節者歌本一部魏明帝分為二更遞夜宿本十七曲朱生宋識列和等復合之為十三曲其後晉荀勗又採舊辭施用於世謂之清商三調歌詩即沈約所謂因絃管金石造歌以被之者也唐書樂志平調清調瑟調皆周房中曲之遺聲漢世謂之三調又有楚調側調楚調者漢之房中樂也側調者生於楚調與前三調摠謂之相和調晉書樂志凡樂章

欽定四庫全書

古樂苑
卷十四

古辭存者並漢世街陌謳謠江南可採蓮烏生八九子白頭吟之屬其後漸被於絃管即相和諸曲是也魏晉之世相承用之永嘉之亂中朝舊音散落江左後魏孝文宣武用師淮漢收其所獲南音謂之清商樂相和諸曲亦皆在焉所謂清商正聲相和五調伎也凡諸調歌辭並以一章為一解古今樂錄曰僧歌以一句為一解中國以一章為一解王僧虔啓云古曰章今曰解解有多少當是先詩而後聲詩叙事聲成文必使志盡於詩音盡於曲是以作詩有豐約制解有多少諸調曲皆有辭有聲而大曲又有豔有趨有亂辭者其歌詩也聲者若羊吾夷伊那何之類也豔在曲之前趨與亂在曲之後又大曲十五曲沈約並列於瑟調今依張永元嘉正聲技錄分於諸調別叙大曲於其後唯滿歌行一曲諸調不載故附見於此曲之下其曲調先後亦準技錄為次

相和六引

古今樂錄曰張永技錄相和有四引一曰瑩簇
二曰商引三曰徵引四曰羽引瑩簇引歌瑟調
東阿王辭門有卓馬客行置酒篇並晉宋齊奏
之古有六引其宮引角引二曲闕宋為瑩簇引
有辭三引有歌聲而辭不傳梁具五引有歌有
辭凡相和其器有笙笛節歌琴瑟琵琶箏七種
瑩簇引一曰公無渡河崔豹古今注曰瑩簇引
者朝鮮津卒霍里子高妻麗玉所作也
子高晨起刺船有一白首狂夫被髮提壺亂
流而渡其妻隨而止之不及遂墜河而死於
是援瑩簇而歌聲甚悽愴曲終亦投河而死
子高還以語麗玉麗玉傷之乃引瑩簇而寫
其聲聞者莫不墮淚飲泣麗玉以其曲傳鄰
女麗容名曰瑩簇引又有瑩簇謠不詳所起

大畧言結交當有
終始與此異也

古辭

公無渡河公竟渡河墮河而死將奈公何

同前

古今樂錄曰王僧虔技錄有野田黃雀行
今不歌樂府解題曰晉樂奏東阿王置酒
高殿上瑩箴引亦用此曲集曰瑩箴引植別
有高樹多悲風海水揚其波一首疑此為瑩
箴引郭本收作野田黃雀行
然此辭意又與瑩箴引無涉

魏陳思王植

置酒高殿上親交從我遊中厨辦豐膳烹羊宰肥牛秦
箏何慷慨齊瑟和且柔

一解

陽阿奏竒舞京洛出名謳樂

飲過三爵緩帶傾庶羞主稱千金壽賓奉萬年酬

二解久

要不可忘薄終義所尤謙謙君子德馨折欲何求盛時

不再來百年忽我遒

三解

驚風飄白日光景馳西流生存

華屋處零落歸山丘先民誰不死知命復何憂

四解
右一曲

晉樂所奏

交一作友

置酒高樓上親交從我遊中厨辦豐膳烹羊宰肥牛秦
箏何慷慨齊瑟和且柔陽阿奏奇舞京洛出名謳樂飲
過三節緩帶傾庶羞主稱千金壽賓奉萬年酬久要不

可忘薄終義所尤謙謙君子德馨折欲何求驚風飄白
日光景馳西流盛時不可再百年忽我道生存華屋處
零落歸山丘先民誰不死知命亦何憂

右一曲
本辭

公無渡河

梁劉孝威

請公無渡河河廣風威厲檣偃落金烏舟傾沒犀柂紺
蓋空嚴祀白馬徒牲祭銜石傷寡心崩城掩孀袂劍飛
猶共水魂沈理俱逝君為川后臣妾作姜妃娣

同前

陳張正見

金堤分錦纜白馬渡蓮舟風嚴歌響絕浪湧榜人愁擢
折桃花水帆橫竹箭流何言沈璧處千載偶陽侯

置酒高殿上

張正見

陳王開甲第粉壁麗椒塗高牕侍玉女飛闥敞金鋪名
香散綺幕石墨彫金鑪清醪稱玉饋浮蟻擅蒼梧鄒嚴
恒接武申白日相趨容與升階玉差池曳履珠千金一
巧笑百萬兩鬟姝趙姬未鼓瑟齊客罷吹竽歌喧桃與
李琴挑鳳將雛魏君慙舉白晉主媿投壺風雲更代序

人事有榮枯長卿病消渴壁立還成都

墨一作研

同前

梁江總

三清傳旨酒柏梁奉歡宴霜雲動玉葉凍水疎金箭羽
籥響鐘石流泉灌金殿盛時不再見光景馳如電

瑩簇謠

樂府無名氏次劉孝威後置襍歌中

古辭

結交在相得骨肉何必親甘言無忠實世薄多蘇秦從
風暫靡草富貴上昇天不見山巔樹摧圯下為薪豈甘

井中泥上出作埃塵

一云時至出作塵

五引

晉書樂志曰五聲宮為君宮之為言中也中和之道無往而不理焉商為臣商之為言彊也謂金性之堅彊也角為民角之為言觸也謂象諸陽氣觸物而生也徵為事徵之為言止也言物盛則止也羽為物羽之為言舒也言陽氣將復萬物孳育而舒生也是以聞宮聲使人溫良而寬大聞商聲使人方廉而好義聞角聲使人惻隱而仁愛聞徵聲使人樂養而好施聞羽聲使人恭儉而好禮隋書樂志曰舊三朝設樂有登歌以其頌祖宗之功烈非君臣之所獻也於是去之三朝第一奏相和五引陳氏因焉隋文帝開皇中改五引為五音唯迎氣於五郊降神奏之月令所謂孟春其音角也按古有清角清徵之流此則當聲為曲即五音是也唐書樂志曰

五郊迎氣各以月律而奏其音蓋因隋舊制云
按此本梁三朝雅樂而郭氏併塋箏引載為相
和六引今從之隋書載約
辭以角徵宮商羽為次

宮引

梁沈約

八音資始君五聲興此和樂感百精優游律呂被咸英

同前

隋書樂志曰普通中薦蔬以後勅蕭子雲
改諸歌辭為相和引則依五音宮商角徵

羽為第次非
隨月次也

蕭子雲

宅中為君聲之始氣和而應律生子四宮既作陰陽理

商引

沈約

司秋紀允奏西音激揚鍾石和瑟琴風流福被樂愔愔

同前

蕭子雲

君臣數九發涼風三絃夷則白藏通充諧候管和六同

角引

沈約

萌生觸發歲在春咸池始奏德尚仁蒞懣以息和且均

同前

蕭子雲

蟄蟲始振音在斯五聲六律旋相為韶繼夏盡備咸池

徵引

沈約

執衡司事宅離方滔滔夏日火德昌八音備舉樂無疆

同前

蕭子雲

朱明在離日長至候氣而動徵為事六樂成文從之備

羽引

沈約

玄英紀運冬冰折物為音本和且悅窮高測深長無絕

同前

蕭子雲

其音為物登玄英制留循短位濁清惟皇創則和且平

相和曲
一

古今樂錄曰張永元嘉技錄相和有十五曲一
曰氣出唱二曰精列三曰江南四曰度闕山五
曰東光六曰十五七曰薤露八曰蒿里九曰歎
歌十曰對酒十一曰雞鳴十二曰烏生十三曰
平陵東十四曰東門十五曰陌上桑氣出唱精
列度闕山薤露蒿里對酒並魏武帝辭十五文
帝辭江南東光雞鳴烏生平陵東陌上桑並古
辭是也歎歌東門皆無其辭陌上桑歌瑟調古
辭豔歌羅敷行日出東南隅篇觀歌張錄云無
辭而武帝有往古篇東門張錄云無辭而武帝
有陽春篇或云歌瑟調古辭東門行入門悵欲
悲也古有十七曲其武陵鷗雞二曲亡按宋書
樂志陌上桑又有文帝棄故鄉一曲亦在瑟調
東西門行及楚辭鈔今有入武帝駕虹蜺二曲
皆張錄所不載

氣出唱

三首

魏武帝

駕六龍乘風而行行四海外路下之八邦歷登高山臨
谿谷乘雲而行行四海外東到泰山仙人玉女下來翔
遊驂駕六龍飲玉漿河水盡不東流解愁腹飲玉漿奉
持行東到蓬萊山上至天之門玉闕下引見得入赤松
相對四面顧望視正焜煌開王心正興其氣百道至傳
告無窮閉其口但當愛氣壽萬年東到海與天連神仙
之道出窈入冥常當專之心恬淡無所愒欲閉門坐自

守天與期氣願得神之人乘駕雲車驟駕白鹿上到天
之門來賜神之藥跪受之敬神齊當如此道自來

闕一作關

華陰山自以為大高百丈浮雲為之蓋仙人欲來出隨
風列之雨吹我洞簫鼓瑟瑟琴何闇闇酒與歌戲今日相
樂誠為樂玉女起起儻移數時鼓吹一何嘈嘈從西北
來時仙道多駕烟乘雲駕龍鬱何蓊蓊遨遊八極乃到
崑崙之山西王母側神仙金止玉亭來者為誰赤松王
喬乃德旋之門樂共飲食到黃昏多駕合坐萬歲長宜

子孫

遊君山甚為真確礪砢爾自為神乃到王母臺金階
玉為堂芝草生殿旁東西廂客滿堂主人當行觴坐者
長壽遠何央長樂甫始宜孫子常願主人增年與天相
守

右三曲魏晉樂所奏前曲
翔一作邀焜煌一作惶惶

精列

魏武帝

厥初生造化之陶物莫不有終期莫不有終期聖賢不
能免何為懷此憂願螭龍之駕思想崑崙居思想崑崙

居見欺於迂怪志意在蓬萊志意在蓬萊周孔聖但落
會稽以墳丘會稽以墳丘陶陶誰能度君子以弗憂年

之暮奈何過時時來微

右一曲魏晉樂所奏過時一作時過

江南

樂府解題曰江南古辭蓋美芳晨麗景嬉遊得時也梁武帝作江南弄以代西曲又有採蓮採菱劉緩江南可採蓮皆出於此

古辭

江南可採蓮蓮葉何田田魚戲蓮葉間魚戲蓮葉東魚

戲蓮葉西魚戲蓮葉南魚戲蓮葉北

右一曲魏晉樂所奏

江南思

宋湯惠休

幽客海陰路留戍淮陽津垂情向春草知是故鄉人

同前

二首後首文苑
英華作江南行

梁簡文帝

江南有妙伎時則應璫樞月暈蘆灰缺秋還懸炭枯含
丹和九轉芳樹蔭千株何辭天后諂終是到僊都

千一作三

到一作列

桂櫂晚應旋歷岸扣輕舷紫荷擎釣鯉銀筐插短蓮人

歸浦口暗那得久回船

銀一作銅

江南曲

柳惲

汀洲採白蘋，日落江南春。
洞庭有歸客，瀟湘逢故人。
故人何不返，春華復應晚。
不道新知樂，只言行路遠。

應一作將

同前

沈約

櫂歌發江潭，采蓮渡湘南。
宜須間隱處，舟浦予自諳。
羅衣織成帶，墮馬碧玉簪。
但令舟楫渡，寧計路嵌嵌。

一作斬嵌

江南可採蓮

劉綏

春初北岸涸，夏月南湖通。
卷荷舒欲倚，芙蓉生即紅。
槭小宜回逕，船輕好入叢。
釵光逐影亂，衣香隨遞風。
江南

少許地年年情不窮

度關山

樂府題解曰魏樂奏武帝辭言人君當自勤苦省方黜陟省刑薄賦也

魏武帝

天地間人為貴立君牧民為之軌則車轍馬迹經緯四
極絀陟幽明黎庶繁息於鑠賢聖總統邦域封建五爵
井田刑獄有燔丹書無普赦贖臯陶甫侯何有失職嗟
哉後世改制易律勞民為君役賦其力舜漆食器畔者
十國不及唐堯采椽不斷世歎伯夷欲以厲俗侈惡之

大儉為共德許由推讓豈有訟曲兼愛尚同疏者為戚

右一曲魏晉樂所
奏侯宋書作刑

同前

梁簡文帝

關山遠可度遠度復難思直指遮歸道都護總前期力
農爭地利轉戰逐天時材官蹶張皆命中弘農越騎盡
舉旗舉旗遠不息驅逐何窮極狼居一封難再覩閼氏
永去無容色銳氣且橫行朱旗亂日精先屠光祿塞却
破夫人城凱還歸舊里非是銜功名

同前

戴嵩

昔聽隴頭吟平居已流涕今上關山望長安樹如薺千
里非鄉邑百姓為兄弟軍中大體自相裒其間得意各
分曹博陵輕俠皆無位幽州重氣本多豪馬銜苜蓿葉
劍瑩鶚鵠膏初征心未息復值鴈飛入山頭看月近草
上知風急笛喝曲難成笳繁響還澀武帝初承平東伐
復西征薊門海作壑榆塞永為城催令四校出倚望三
邊平箭服朝來動刀環臨陣鳴將軍一百戰都護五千

兵且決雄雌眼前利誰道功名身後事丈夫意氣本自然來時辭第已聞天但令此身與命在不持烽火照甘泉

同前

柳惲

長安倡家女出入燕南垂唯持德自美本以容見知舊聞關山遠何事總金羈妾心日已亂秋風鳴細枝

長安一作

少長

同前

劉遵

隴樹寒色落塞雲朝欲開谷深輦易響路狹憶難回當
知結綬去非是棄繻來行人思顧返道別且徘徊願度
關山鶴勞歌立可哀

同前

王訓

邊庭多警急羽檄未曾閒從軍出隴坂驅馬度關山關
山恒掩靄高峰白雲外遙望秦川水千里長如帶好勇
自秦中意氣本豪雄少年便習戰十四已從戎昔年經
上郡今歲出雲中遼水深難渡榆關斷未通折衝凌絕

域流蓬驚未息胡風朝夜起平沙不相識兵法貴先聲
軍中自有程逗遛難贖罪先登盡一城都護疲詔吏將
軍擅發兵平盧疑縱火飛鳴畏犯營輕重一為虜金刀
何用盟誰知出塞外獨有漢飛名

衝一作銜
難一作皆

同前

陳張正見

關山度曉月劒客遠從征雲中出迴陣天外落奇兵輪
摧偃去節樹倒礙懸旌沙場折坂暗雲積榆溪明馬倦
時銜草人疲屢看城寒隴胡笳澀空林漢鼓鳴還聽鳴

咽水併切斷腸聲

同前

集題云
關山篇

唐李端

從軍出隴坂驅馬度關山
關山恒掩藹高峰白雲外
遙望秦川水千里長如帶
好勇自秦中意氣多豪雄
少年便習戰十四已從戎
遼水深難度榆關尚未通

東光

古今樂錄曰張永元嘉技錄云東
光舊但弦無音宋識造其歌聲

古辭

東光平蒼梧何不平
蒼梧多腐粟無益諸軍糧
諸軍遊

蕩子早行多悲傷

平書作乎平糧叶韻疑平是右一曲魏晉樂所奏

十五

古今樂解曰十五歌文帝辭後解歌瑟調西山一何高

魏文帝

登山而遠望谿谷多所有梗枿千餘尺衆草芝盛茂華

葉耀人目五色難可紀雉雛山雞鳴虎嘯谷風起號罷

當我道狂顧動牙齒

右一曲魏晉樂所奏

薤露

崔豹古今注曰薤露蒿里並喪歌也本出田橫門人橫自殺門人傷之為作悲歌言

人命奄忽如薤上之露易晞滅也亦謂人死魂魄歸於蒿里至漢武帝時李延年分為二

曲薤露送王公貴人蒿里送士大夫庶人使
挽柩者歌之亦謂之挽歌譙周法訓曰挽歌
者漢高帝召田橫至尸鄉自殺從者不敢哭
而不勝哀故為挽歌以寄哀音樂府解題曰
左傳齊將與吳戰於艾陵公孫夏命其徒歌
虞殯杜預云送死薤露歌即喪歌不自田橫
始也一曰泰山吟行

古辭

薤上露何易晞露晞明朝更復落人死一去何時歸

惟漢行

魏武帝

惟漢二十世所任誠不良沐猴而冠帶知小而謀彊
猶豫不敢斷因狎執君王白虹為貫日已亦先受殃賊

臣執國柄殺主滅宇京蕩覆帝基業宗廟以燔喪播越
西遷移號泣而且行瞻彼洛城郭微子為哀傷

右一曲
魏晉樂

奏所

薤露

樂府題解曰曹植擬薤露行為天地無窮極

陳思王植

天地無窮極陰陽轉相因人居一世間忽若風吹塵願
得展功勤輸力於明君懷此王佐才慷慨獨不羣鱗介
尊龍神走獸宗麒麟蟲獸豈知德何況於士人孔氏刪
詩書王業粲已分聘我徑寸翰流藻垂華芬

同前

東晉張駿

在晉之二世皇道昧不明主暗無良臣姦亂起朝廷七
柄失其所權綱喪典刑愚猾窺神器北雞又晨鳴哲婦
逞幽虐宗祀一朝傾儲君縊新昌帝執金墉城旣斃萌
宮掖胡馬動北垠三方風塵起獬豸竊上京義士扼素
腕感慨懷憤盈誓心蕩衆狄積誠徹昊靈

一作
作艱

同前

陳思王植

太極定二儀清濁始以形三光炤八極天道甚著明為

人立君長欲以遂其生行仁章以瑞變故誠驕盈神高
而聽卑報若響應聲明主敬細微三季普天經二皇稱
至化盛哉唐虞庭禹湯繼厥德周亦致太平在昔懷帝
時日昃不敢寧濟濟在公朝萬載馳其名

惟漢行

晉傅玄

危哉鴻門會沛公幾不還輕裝入人軍投身湯火間兩
雄不俱立亞父見此權項莊奮劍起白刃何翩翩伯身
雖為蔽事促不及旋張良惛坐側高祖變龍顏賴得樊

將軍虎叱項王前
瞋目駭三軍
磨牙咀豚肩
空卮讓霸主
臨急吐奇言
威凌萬乘主
指顧回泰山
神龍困鼎鑊
非噲豈得全
狗屠登上將
功業信不原
健兒實可慕
腐儒安足歎

虎一作獸

蒿里

古辭

蒿里誰家地
聚斂魂魄無
賢愚鬼伯一
何相催促
人命不得少踟躕

同前

魏武帝

關東有義士興兵討羣克初期會盟津乃心在咸陽軍
合力不齊躊躇而鴈行勢利使人爭嗣還自相戕淮南
弟稱號刻璽於北方鎧甲生蟣虱萬姓以死亡白骨露
於野千里無雞鳴生民百遺一念之斷人腸

右一曲魏
晉樂所奏

同前

宋鮑照

同盡無貴賤殊願有窮伸馳波催永夜零露逼短晨結
我幽山駕去此滿堂親虛容遺劒佩美貌戢衣巾斗酒
安可酌尺書誰復陳年代稍推遠懷抱日幽淪人生良

自劇天道與何人齎我長恨意歸為狐兔塵

馳波催永夜一作漏

馳催永夜零露逼短晨一作露宿逼短晨結集作驅美一作嘉又作賓

挽歌

莊子曰緇謳所生必於斥苦司馬彪注云緇引柩索也斥疎緩苦用力也引緇所有

謳者為人用力慢緩不齊促急之也風俗通曰京師殯婚嘉會酒酣之後續以挽歌千寶搜神記曰挽歌者喪家之樂執緇者相和之聲也晉書禮志曰漢魏故事大喪及大臣之喪執緇者挽歌新禮以為挽歌出於漢武帝役人之勞歌聲哀切遂以為送終之禮雖音曲推愴非經典所制違禮銜枚之義方在號慕不宜以歌為名除挽歌摯虞以為挽歌因倡和而為推愴之聲銜枚所以全哀此亦以感衆雖非經典所載是歷代故事詩稱君子

作歌惟以告哀以歌為名無所嫌宜定新禮如舊今按薤露蒿里之後而以挽歌為辭者

實始

繆襲

魏繆襲

生時遊國都死沒棄中野朝發高堂上暮宿黃泉下白日入虞淵懸車息駟馬造化雖神明安能復存我形容稍歇滅齒髮行當墮自古皆有然誰能離此者

同前

三首顏氏家訓曰輓歌辭者或云古者虞殯之歌或云出自田橫之客皆為生者悼

往哀苦之意陸平原多為死人自歎之言詩格既無此例又乖製作本意

晉陸機

卜擇考休貞嘉命咸在茲夙駕警徒御結轡頓重基龍
旒被廣柳前驅矯輕旗殯宮何嘈嘈哀響沸中闈闐中
且勿喧聽我薤露詩死生各異倫祖載當有時舍爵兩
楹位啓殯進靈輜飲餞觴莫舉出宿歸無期帷衽曠遺
影棟宇與子辭周親咸奔湊友朋自遠來翼翼飛輕軒
駸駸策素騏按轡遵長薄送子長夜臺呼子子不聞泣
子子不知歎息重櫬側念我疇昔時三秋猶足收萬世
安可思殉歿身易亡救子非所能含言言哽咽揮涕涕

流離

喧一作嘯
涕一作淚

流離親友思惆悵神不泰素驂佇輻軒玄駟驚飛蓋哀
鳴興殯宮迴遲悲野外魂輿寂無響但見冠與帶備物
象平生長旌誰為旆悲風鼓行軌傾雲結流靄振策指

靈丘駕言從此逝

鼓一作徽

重阜何崔嵬玄廬竄其間磅礴立四極穹崇效蒼天側
聽陰溝涌卧觀天井懸廣宵何寥廓大暮安可晨人往
有返歲我行無歸年昔居四民宅今託萬鬼鄰昔為七

尺軀今成灰與塵金玉昔所佩鴻毛今不振豐肌饗螻
蟻妍姿永夷泯壽堂延魑魅虛無自相賓螻蟻爾何怨
魑魅我何親拊心痛荼毒永歎莫為陳

效一作放昔一作素姿一作骸

又

諸集不載見
太平御覽

魂衣何盈盈旗旄何習習父母拊棺號兄弟扶筵泣靈
輜動轆轤龍首矯崔嵬挽歌挾轂唱嘈嘈一何悲浮雲

中容與飄風不能迴淵魚仰失梁征鳥俯墜飛

闕機士庶挽

歌辭云挺埴為塗

車束薪作芻靈

同前

集云擬挽
歌辭三首

陶潛

荒草何茫茫白楊亦蕭蕭嚴霜九月中送我出遠郊四
面無人居高墳正嵯嶢馬為仰天鳴林風自蕭條幽室
一已閉千年不復朝千年不復朝賢達無奈何向來相
送人各已歸其家親戚或餘悲他人亦已歌死去何所
道託體同山阿

馬為仰天鳴一作鳥為動哀鳴林風
一作風聲又作風為已歸一作自還

有生必有死早終非命促昨暮同為人今旦在鬼錄魂
氣散何之枯形寄空木嬌兒索父啼良友拊我哭得失

不復知是非安能覺千秋萬歲後誰知榮與辱但恨在

世時飲酒恒不足

一作不得足

在昔無酒飲今但湛空觴春醪生浮蟻何時更能嘗肴

案列我前親戚哭我傍欲語口無音欲視眼無光昔在

高堂寢今宿荒草鄉荒草無人眠極視正茫茫一朝出

門去歸來良未央

今但湛空觴一作但恨堪空觴列我前一作盈我前一朝一作相送良一

夜作

同前

謝綽拾遺錄曰太祖嘗召延之傳詔頻日尋覓不值太祖曰但酒店中求之自當得

也傳詔依旨訪覓果見延之在酒肆
裸身挽歌了不應對他日醉醒乃往

宋鮑照

令龜卜明兆撤奠在方昏戒徒赴幽冥祖駕出高門行
行去城邑遥遥守丘園息鑣竟平墜稅駕別巖根

闕

同前

獨處重冥下憶昔登高臺傲岸平生中不為物所裁埏
門只復閉白蟻相將來生時芳蘭體小蟲今為灾玄鬢
無復根枯體依青苔憶昔好飲酒素盤進青梅韓彭及

廉藺疇昔已成灰壯士皆死盡餘人安在哉

同前

北齊祖孝徵

昔日驅駟馬謁帝長楊宮旌懸白雲外騎獵紅塵中今
來向漳浦素葢轉悲風榮華與歌笑萬事盡成空

日一作時

對酒

樂府題解曰魏樂奏武帝所賦對酒歌太平其旨言王者德澤廣被政理人和萬物

咸遂

魏武帝

對酒歌太平時吏不呼門王者賢且明宰相股肱皆忠
良咸禮讓民無所爭訟三年耕有九年儲倉穀滿盈班

白不負戴雨澤如此百穀用成却走馬以糞其土田爵
公侯伯子男咸愛其民以黜陟幽明子養有若父與兄
犯禮法輕重隨其刑路無拾遺之私囹圄虛空冬節不
斷人耄耆皆得以壽終恩德廣及草木昆蟲

右一曲魏樂所奏

同前

題云當對酒

范雲

對酒心自足故人來共持方悅羅衿解誰念髮成絲徇
往良為達求名本自期迨君當歌日及我傾樽時

同前

梁張率

對酒誠可樂此酒復芳醇如華良可貴似乳更甘珍何
當留上客為寄掌中人金樽清復滿玉碗亟來親誰能
共遲暮對酒惜芳晨君歌尚未罷却坐避梁塵

同前

陳張正見

當歌對玉酒匡坐酌金罍竹葉三清汎蒲萄百味開風
移蘭氣入月逐桂香來獨有劉將阮忘情寄羽杯

同前

岑之敬

色映臨池竹香浮滿砌蘭舒文汎玉盃漾蟻溢金盤簫

曲隨鸞易笳聲出塞難唯有將軍酒川上可除寒

同前

集云對酒歌文苑英華作范雲

周庾信

春水望桃花春洲藉芳杜琴從綠珠借酒就文君取牽
馬向渭橋日曝山頭脯山簡接離倒王戎如意舞箏鳴
金谷園笛韻平陽塢人生一百年歡笑唯三五何處覓
錢刀求為洛陽賈

馬一作牛
曝一作落

古樂苑卷十四

欽定四庫全書

古樂苑卷十五

明 梅鼎祚 編

相和歌辭

相和曲
四弦曲

吟歎曲

相和曲

二

雞鳴

樂府題解曰古詞雞鳴初言天下方太平
次言置酒作樂終言桃傷李仆喻兄弟當

相為表裏三人近侍榮耀道路與相逢狹路
間行同詩紀云此詩前後辭不相屬蓋采詩
入樂合而成章邪抑有錯簡紊
誤也又有雞鳴高樹巔出此

古辭

雞鳴高樹巔，狗吠深宮中。
蕩子何所之，天下方太平。
刑法非有貸，柔協正亂名。

此上疑別一曲

黃金為君門，碧玉為軒

堂。上有雙樽酒，作使邯鄲倡。
劉王碧青甃，後出郭門王。
舍後有方池，池中雙鴛鴦。
鴛鴦七十二，羅列自成行。
鳴聲何啾啾，聞我殿東廂。
兄弟四五人，皆為侍中郎。
五日一時來，觀者滿路傍。
黃金絡馬頭，頻頻何煌煌。
桃生露井上，李樹生桃傍。
蟲來齧桃根，李樹代桃殭。
樹木身相

代兄弟還相忘

右一曲魏樂所奏

雞鳴篇

郭左並作劉孝威藝文作簡文帝

劉孝威

埭雞識將曙長鳴高樹巔啄葉疑障羽桃花暈欲前意
氣多驚舉飄颻獨無侶陳思助闔協狸膏邱昭妬敵
安金距丹山可愛有鳳皇金門飛舞有鴛鴦何如五德
美豈勝千里翔

同前

隋岑德潤

鐘響應繁霜晨雞錦臆張簾迴猶侵露枝高已映光排

空下朝揭奮翼上花場雨晦思君子關開脫孟嘗既得
依雲外安用集陳倉

雞鳴高樹巔

梁簡文帝

碧玉好名倡夫婿侍中郎桃花全覆井金門半隱堂時
欣一來下復比雙鴛鴦雞鳴天尚早東烏定未光

晨雞高樹鳴

詩紀云阮籍詠懷詩晨雞鳴高樹命駕起旋歸則此非樂府也

解題亦云出雞鳴古辭似誤

陳張正見

晨雞振翮鳴出迴擅奇聲蜀郡隨金馬天津應玉衡摧

冠驗遠石繫火出連營爭棲斜揭暮解翼橫飛度試飲
淮南藥翻上仙都樹枝低且候潮葉淺還承露承露觸
嚴霜華淺伺朝陽猜羣怯寶劒勇戰出花場當損黃金
距誰論白玉璫長鳴逢晉帝恃氣遇周王流名說魯國
分影入陳倉不復愁符朗猶能感孟嘗

烏生

一曰烏生八九子樂府解題曰古辭言烏
母子本在南山巖石間而來為秦氏彈丸

所殺白鹿在苑中人得以為脯黃鵠摩天鯉
在深淵人得而烹煮之則壽命各有定分死

生何待

前後也

古辭

鳥生八九子端坐秦氏桂樹間
喈我秦氏家有遊遨蕩
子工用睢陽彊蘇合彈左手持彊彈
兩丸出入鳥東西
喈我一丸即發中鳥身鳥死魂魄飛揚上天
阿母生鳥子時乃在南山巖石間
喈我人民安知鳥子處蹊徑窈窕
窈安從通白鹿乃在上林西苑中
射工尚復得白鹿脯
喈我黃鵠摩天極高飛後宮尚復得烹煮之
鯉魚乃在洛水深淵中
釣釣尚得鯉魚口
喈我人民生各各有壽命
死生何須復道前後

右一曲魏
晉樂所奏

烏生八九子

城上鳥
出此

梁劉孝威

城上烏一年生九雛枝輕巢本狹風多葉早枯毳毛不
自煖張翼強相呼金柝嚴兮翠樓肅蜃壁光兮椒泥馥
虞機衡網不得施猜鷹鷲隼無由逐永願共栖曾氏冠
同瑞周王屋莫啼城上寒猶賢野間宿羽成翮備各西
東丁年賦命有窮通不見高飛帝輦側遠託日輪中尚
逢王吉箭猶嬰夏羿弓豈如變彩救燕質入夢祚昭公
留聲表師退集幕示營空靈臺已鑄像流蘇時候風

城上烏

梁吳均

鳴鳴城上烏翩翩尾畢逋凡生八九子夜夜啼相呼質
微知慮少體賤毛衣麤陛下三萬歲臣至執金吾

同前

朱超

朝飛集帝城猶帶夜啼聲近日毛雖暖聞弦心尚驚

平陵東

崔豹古今注曰平陵東漢翟義門人所作樂府解題曰義丞相方進少子為東

郡太守以王莽方篡漢舉兵誅之不克見害門人作歌以怨之也

古辭

平陵東松柏桐不知何人刳義公刳義公在高堂下交
錢百萬兩走馬兩走馬亦誠難顧見追吏心中惻心中
惻血出漉歸告我家賣黃犢

右一曲魏
晉樂所奏

同前

魏陳思王植

閭闔開天衢通被我羽衣乘飛龍乘飛龍與仙期東上
蓬萊採靈芝靈芝採之可服食年若王父無終極

若一作與

陌上桑

一曰豔歌羅敷行古今樂錄曰陌上桑
歌瑟調古辭豔歌羅敷行日出東南隅

篇崔豹古今注曰陌上桑者出秦氏女子秦
氏邯鄲人有女名羅敷為邑人千乘王仁妻

王仁俊為趙王家令羅敷出採桑於陌上趙王登臺見而悅之因置酒欲奪焉羅敷乃彈箏作陌上桑之歌以自明趙王乃止樂府解題古詞言羅敷採桑為使君所邀盛誇其夫為侍中郎以拒之與前說不同又有採桑亦出於此

古辭

日出東南隅照我秦氏樓秦氏有好女自名為羅敷羅敷意蠶桑採桑城南隅青絲為籠係桂枝為籠鉤頭上倭墮髻耳中明月珠綰綺為下裙紫綺為上襦行者見羅敷下擔捋髭鬚少年見羅敷脫帽著幘頭耕者忘其犁鋤者忘其鋤來歸相怨怒但坐觀羅敷一使君從南解

來五馬立踟躕使君遣吏往問是誰家姝秦氏有好女

自名為羅敷羅敷年幾何二十尚不足十五頗有餘使

君謝羅敷寧可共載不羅敷前置辭使君一何愚使君

自有婦羅敷自有夫

二解

東方千餘騎夫婿居上頭何用

識夫婿白馬從驪駒青絲繫馬尾黃金絡馬頭腰中鹿

盧劍可直千萬餘十五府小吏二十朝大夫三十侍中

郎四十專城居為人潔白皙鬚鬚頗有鬚盈盈公府步

冉冉府中趨坐中數千人皆言夫婿殊

三解

前有豔
歌曲後有辭

右一曲魏晉樂所
奏宋書作大曲

同前

楚辭鈔

今有人山之阿被服薜荔帶女蘿既含睇又宜笑子戀
慕予善窈窕乘赤豹從文狸辛夷車駕結桂旗被石蘭
帶杜衡折芳拔荃遺所思處幽室終不見天路險艱獨
後來表獨立山之上雲何容容而在下杳冥冥羌晝晦
東風飄飄神靈雨風瑟瑟木搜搜思念公子徒以憂

右一

曲魏晉
樂所奏

同前

魏武帝

駕虹蜺乘赤雲登彼九疑歷玉門濟天漢至崑崙見西
王母謁東君交赤松及羨門受要祕道愛精神食芝英
飲醴泉拄杖桂枝佩秋蘭絕人事遊渾元若疾風遊欻
飄飄景未移行數千壽如南山不忘愆

飄一作翩
一曲晉樂所奏

同前

魏文帝

棄故鄉離室宅遠從軍旅萬里客披荊棘求阡陌側足
獨窘步路局窄虎豹嗥動難驚禽失羣鳴相索登南山

奈何蹈盤石樹木叢生鬱差錯寢蒿草蔭松柏涕泣雨
面霑枕席伴旅單稍稍日零落惆悵竊自憐相痛惜一

曲魏晉

樂所奏

同前

見太平御覽

陳思王植

望雲際有真人安得輕舉繼清塵執電鞭騁飛麟

闕

同前

梁吳均

娟娟陌上桑蔭陌復垂塘長條映白日細葉隱鸛黃鸝
飢妾復思拭淚且提筐故人寧知此離恨煎人腸

同前

一作周
王褒

王筠

人言陌上桑未曉已含光
重重相蔭映軟軟自芬芳
秋

胡方倚馬羅敷未滿筐
春蠶朝已老安得久徬徨

軟軟一作

軟弱方
一作始

同前

二首一云採桑郭本前首
作王臺卿左本後作王筠

蕭子顯

令月開和景處處動春心
挂筐須葉滿息倦重枝陰
日出秦樓明條垂露尚盈蠶
飢心自急開奩粧不成

同前

四首

王臺卿

鬱鬱陌上桑盈盈陌上女送君上河梁拭淚不能語
鬱鬱陌上桑遥遥山下蹊君去戍萬里妾來守空閨
鬱鬱陌上桑皎皎雲間月非無巧笑姿皓齒為誰發
鬱鬱陌上桑裊裊機頭絲君行亦宜返今夕是何時

豔歌行

晉傅玄

日出東南隅照我秦氏樓秦氏有好女自字為羅敷首
戴金翠飾耳綴明月珠白素為下裾丹霞為上襦一顧
傾朝市再顧國為虛問女居安在堂在城南居青樓臨

大巷幽門結重樞使君自南來駟馬立踟躕遣吏謝賢
女豈可同行車斯女長跪對使君言何殊使君自有婦
賤妾有鄙夫天地正厥位願君改其圖

同前

陳張正見

城隅上朝日斜暉照杏梁併倦茱萸帳爭移翡翠牀縈
環聊向牖拂鏡且調粧裁金作小靨散麝起微黃二八
秦樓女三十侍中郎執戟超丹地豐貂入建章未安文
史閣獨結少年場彎弓貫月影學劒動星芒翠蓋飛城

曲金鞍橫道傍調鷹向新市彈雀往睢陽行行稍有極
暮暮歸蘭房前瞻富羅綺左顧足鴛鴦蓮舒千葉氣燈
吐百枝光滿酌胡姬酒多燒荀令香不學幽閨妾生離

怨採桑

月一作葉

羅敷行

梁蕭子範

城南日半上微步弄妖姿含情動燕俗顧景笑齊眉不
憂桑葉盡還憶畏蠶飢春風若有顧惟願落花遲

同前

陳顧野王

東隅麗春日南陌採桑時樓中結梳罷提筐候早期風
輕鶯韻緩霜灑落花遲五馬光長陌千騎絡青絲使君
徒遣信賤妾畏蠶飢

同前

北魏高允

邑中有好女姓秦字羅敷巧笑美回盼鬢髮復凝膚脚
著花文履耳穿明月珠頭作墮馬髻倒枕象牙梳姊姊
善趨步襜褕曳長裾王侯為之顧駟馬自踟躕

日出東南隅行

一云羅敷豔歌

晉陸機

扶桑升朝暉照此高臺端高臺多妖麗濬房出清顏淑
貌耀皎日惠心清且閒美目揚玉澤蛾眉象翠翰鮮膚
一何潤秀色若可餐窈窕多容儀婉婉媚巧笑言莫春春
服成粲粲綺與紵金雀垂藻翹瓊佩結瑤璫方駕揚清
塵濯足洛水澗藹藹風雲會佳人一何繁南崖充羅幕
北渚盈軒軒清川含藻景高岸被華丹馥馥芳袖揮冷
冷纖指彈悲歌吐清響雅韻播幽蘭丹脣含九秋妍迹
凌七盤赴曲迅驚鴻蹈節如集鸞綺態隨顏變沈姿無

定源俯仰紛阿那顧步咸可懽遺芳結飛颺浮景映清

湍冶容不足詠春遊良可歎

韻一作舞
定一作乏

同前

宋謝靈運

柏梁冠南山桂宮耀北泉晨風拂檐幌朝日照閨軒美人卧屏席懷蘭秀瑤璫皎潔秋松氣淑德春景暄

疑闕

同前

梁沈約

朝日出邯鄲照我叢臺端中有傾城豔顧景織羅紈延軀似纖約遺視若回瀾瑤裝映層綺金服炫雕幪幸有

同匡好西仕服秦官寶劍垂玉具汗馬飾金鞍縈場類
轉雪逸控寫騰鸞羅衣夕解帶玉釵暮垂冠

寫一作似

同前

張率

朝日照屋梁夕月懸洞房專遽自稱豔獨立伊覽光雖
資自然色誰能棄薄粧施著見朱粉點畫示頰黃含貝
開丹吻如羽發清揚金碧既簪珥綺縠復衣裳方領備
蟲彩曲裾雜鴛鴦手操獨繭緒唇凝脂燥黃

同前

蕭子顯

大明上迢迢陽城射凌霄光照牕中婦絕世同阿嬌明
鏡盤龍刻簪羽鳳凰雕逶迤梁家髻冉冉楚宮腰輕紈
雜重錦薄縠間飛綃三六前年暮四五今年朝蠶籠拾
芳翠桑陌採柔條出入東城里上下洛西橋忽逢車馬
客飛蓋動檐輶單衣鼠毛織寶劒羊頭鞘丈夫疲應對
從者輟銜鑣柱間徒脈脈垣上幾翹翹女本西家宿君
自上宮要漢馬三萬疋夫聳仕嫖姚鞶囊虎頭綬左珥
鳬盧貂橫吹龍鐘管奏鼓象牙簫十五張內侍十八賈

登朝皆笑顏郎老盡訝董公超

丈一作大從一作御公一作生

同前

一云豔歌行

陳後主

重輪上瑞暉西北照南威南威年二八開牖敞重闌當
壚送客去上苑逐春歸鬢下珠勝月牕前雲帶衣紅裙
結未解綠綺自難徽

同前

徐伯陽

丹城璧日映朱扉青樓含照本暉暉遠映陌上春桑葉
斜入秦家綉綺衣羅敷粧粉能佳麗鏡前新梳倭墮髻

圓籠裊裊挂青絲，鐵鈎冉冉勝丹桂。蠶飢日晚，慙生愁
忽逢使君南陌頭，五馬停珂遣借問。雙臉含嬌特好羞，
妾婿府中輕小吏。即今來往專城裏，欲識東方千騎歸。
藹藹日暮紅塵起。

丹一作朱
映一作啓

同前

殷謀

秦樓出佳麗，正值朝日光。陌頭能駐馬，花處復添香。

同前

一題云
陌上奈

周王褒

曉星西北沒，朝日東南隅。陽牕臨玉女，蓮帳照金鋪。鳳

樓稱獨立絕世良所無鏡懸四龍網枕畫七星圖銀鏤
明光帶金地織成襦調絃大垂手歌曲鳳將雛採桑三
市路賣酒七條衢道逢五馬客夾轂來相趨將軍多事
藝夫聳好形模高箱照雲母壯馬飾當顱單衣火浣布
利劍水精珠自知心所愛仕宦執金吾飛甍彫翡翠繡
桷畫屠蘇銀燭附彈映雞羽黃金步搖動襜褕兄弟五
日時來歸高車竟道生光輝名倡兩行堂上起鴛鴦七
十階前飛少年任俠輕年月珠丸出彈遂難追

藝一作勢

同前

郭本日出行

蕭撝

昏昏隱遠霧團團乘陣雲正值秦樓女含嬌酬使君

同前

隋盧思道

初月正如鉤懸光入綺樓中有可憐妾如恨亦如羞深
情出豔語密意滿橫眸楚腰寧且細孫睂本未愁青玉
勿當取雙銀詎可畱會待東方騎遥居最上頭

可畱一作肯畱

採桑

宋鮑照

季春梅始落工女事蠶作採桑淇水間還戲上宮閣早

蒲時結陰晚篁初解籜藹藹雲滿閨融融景盈幕乳燕
逐草蟲巢蜂拾花藥是節最嬾妍佳服又新爍斂歎對
迴塗揚歌弄場藿抽琴試紆思薦佩果成託承君郢中
美服義久心諾衛風古愉絕鄭俗舊浮薄靈願悲渡湘
宓妃笑瀼洛盛明難重來淵意為誰涸君其且調絃桂
酒妾行酌

篁一作竹雲滿一作霧灑斂
一作縣迴一作回瀼一作景

同前

郭本
未全

梁簡文帝

春色映空來先發院邊梅細萍重疊長新花歷亂開連

珂往淇上接慙至叢臺叢臺可憐妾當牕望飛蝶忌跌
行衫領熨斗成褊褊下牀著珠珮捉鏡安花鑷薄晚畏
蠶飢競採春桑葉寄語採桑伴訝今春日短枝高攀不
及葉細籠難滿年年將使君歷亂遣相聞欲知瑟裏意
還贈錦中文何當照梁日還作入山雲重門皆已閉方
知留客袂可憐黃金絡複以青絲繫必也為人時誰令
畏夫婿

淇上一作河上
褊褊一作裙褊

同前

集云同郭
侍郎採桑

姚翻

鴈還高柳北春歸洛水南日照茱萸領風搖翡翠簪桑
間視欲暮閨裏遠飢蠶相思君助取相望妾那堪

同前

沈君攸

南陌落花移蠶妾畏桑萎逐便牽低葉爭多避小枝摘
駛籠行滿攀高腕欲疲看金怯舉意求心自可知

同前

英華題云和
洗馬古意

吳均

賤妾思不堪採桑渭城南帶減連枝繡髮亂鳳凰花
舞依長薄蛾飛愛綠潭無由報君信流涕向春蠶

同前

集題云萬山見採桑人姑從郭本收入

劉邈

倡妾不勝愁結束下青樓逐伴西城路相攜南陌頭葉

盡時移樹枝高任易鉤絲繩提且脫金籠寫復收蠶飢

日欲暮誰為使君畱

城一作郊提一作挂復一作仍欲一作已

同前

陳後主

春樓髻梳罷南陌競相隨去後花叢散風來香處移廣

袖承朝日長鬟礙聚枝柯新攀易斷葉嫩摘前萎採繁

鈎手弱微汗雜粧垂不應歸獨早堪為使君知

同前

張正見

春樓曙鳥驚蠶妾候初晴迎風金珥落向日玉釵明徙
顧移籠影攀鉤動釧聲葉高知手弱枝軟覺身輕人多
羞借問年少怯逢迎恐疑夫婿遠聊復答專城

同前

賀徹

蠶妾出房櫳結伴類花叢度水春衫綠映日晚粧紅釧
聲時動樹衣香自入風鉤長從枝曲葉盡細條空競採
須盈手爭歸欲滿籠自憐公府步誰與少年同

同前

傅緯

羅敷試採桑出入城南傍綺裙映珠珥絲繩提玉筐度
身攀葉聚聳腕及枝長空勞使君問自有侍中郎

吟歎曲

古今樂錄曰張永元嘉技錄吟歎四曲一曰大
雅吟二曰王明君三曰楚妃歎四曰王子喬大
雅吟王明君楚妃歎並石崇辭王子喬古辭其
明君一曲今有歌大雅吟楚妃歎二曲今無能
歌者古有八曲其小雅吟蜀
琴頭楚王吟東武吟四曲闕

大雅吟

晉石崇

堂堂太祖淵弘其量仁格宇宙義風遐暢啓土萬里志
在翼亮三分有二周文是尚於穆武王奕世載聰欽明
沖默文思允恭武則不猛化則時雍庭有儀鳳郊有遊
龍啓路千里萬國率從蕩清吳會六合乃同百姓仰德
良史書功超越三代唐虞比蹤

右一曲晉樂所奏

王明君

一曰王昭君漢書曰竟寧元年呼韓邪來朝言願婿漢氏以後宮良家子王嬙

妃之生一子株累立復妻之生二女范曄書曰昭君入宮久不見御積怨因掖庭令請行單于臨辭大會豐容靚飾顧影徘徊悚動左右帝驚悔欲復留而重失信夷狄遂與之生

二子西京襍記曰漢元帝後宮既多不得常見乃使畫工圖其形按圖召幸宮人皆賂畫工多者十萬少者亦不減五萬昭君自恃其貌獨不與乃惡圖之及後匈奴入朝選美人配之昭君之圖當行及入辭光彩射人悚動左右天子方重信外國悔恨不及窮按其事畫工有杜陵毛延壽為人形醜好老少必得其真安陵陳敞新豐劉白龔寬並工為牛馬飛鳥衆藝人形好醜不逮延壽下杜陽望樊青尤善布色同日棄市籍其家資皆巨萬昭君在胡作詩以怨思云琴操曰昭君本齊國王穰女端正閒麗穰以其有異人求之不與年十七進之帝以地遠不幸欲賜單于美人嬙對使者越席請往後不願妻其子吞藥而卒韓子蒼云其事襍出無所考正言不願妻其子而詔使從胡俗此是烏孫公主非昭君

也要之琴操最抵牾矣唐書樂志曰明君漢曲也石崇自序曰王明君本名昭君以觸文帝諱故晉人謂之明君初武帝以江都王建女細君為公主嫁烏孫王昆莫令琵琶馬上作樂以慰其道路之思送明君亦然也其造新之曲多哀怨之聲晉宋以來明君止以絃隸少許為上舞而已梁天監中斯宣達為樂府令與諸樂工以清商兩相間絃為明君上舞傳之至今王僧虔技錄云明君有閒絃及契注聲又有送聲謝希逸琴論曰平調明君三十六拍胡笳明君二十六拍清調明君十三拍閒絃明君九拍蜀調明君十二拍吳調明君十四拍杜瓊明君二十一拍凡有七曲琴集曰胡笳明君四弄有上舞下舞上閒絃下閒絃明君三百餘弄其善者四焉又胡笳明君別五弄辭漢跨鞍望鄉奔雲入林是也

晉石崇

我本漢家子將適單于庭辭訣未及終前驅已抗旌僕
御涕流離轅馬悲且鳴哀鬱傷五內泣淚沾朱纓行行
日已遠遂造匈奴城延我於穹廬加我閼氏名殊類非
所安雖貴非所榮父子見陵辱對之慙且驚殺身良不
易默默以苟生苟生亦何聊積思常憤盈願假飛鴻翼
棄之以遐征飛鴻不我顧佇立以屏營昔為匣中玉今
為冀上英朝華不足嘉甘與秋草并傳語後世人遠嫁

難為情

嘉一作歡
一曲晉樂所奏

王昭君

宋鮑照

既事轉蓬遠心隨鴈路絕霜鞞旦夕驚邊笳中夜咽

同前

施榮泰

垂羅下椒閣舉袖拂胡塵唧唧撫心歎蛾眉誤殺人

同前

玉臺題云
昭君辭

周庾信

拭啼辭戚里回顧望昭陽鏡失菱花影釵除却月梁園
腰無一尺垂淚有千行綠衫承馬汗紅袖拂秋霜別曲

真多恨哀弦須更張

綠衫一作衫身

同前

無名氏

倚蘭恩寵歇昭陽幸御稀朝辭漢闕去夕見胡塵飛寄
信秦樓下因書秋鴈歸

明君詞

英華題云昭君怨

梁簡文帝

玉艷光搖質金鈿婉黛紅一去蒲萄觀長別披香宮秋
簷照漢月愁帳入胡風妙工偏見詆無由情恨通

同前

一曰昭君辭

武陵王紀

塞外無春色邊城有風霜誰堪覽明鏡持許照紅粧

同前

沈約

朝發披香殿夕濟汾陰河於茲懷九折自此斂雙蛾沾
粧疑湛露繞臆狀流波日見奔沙起稍覺轉蓬多胡風
犯肌骨非直傷綺羅銜涕試南望關山鬱嵯峨始作陽
春曲終成苦歌唯有三五夜明月暫經過

折一作逝
狀一作比

同前

集題云
昭君怨

陳後主

圖形漢宮裏遙聘單于庭狼山聚雲暗龍沙飛雪輕笳

吟度隴咽笛轉出關鳴啼妝寒葉下愁眉塞月生只餘
馬上曲猶作別時聲

同前

集作王明君

張正見

寒樹暗胡塵霜樓明漢月淚染上春衣憂變華年髮

同前

藝文作陳明陰鏗集載云昭君怨郭本作唐誤

陳昭

跨鞍今永訣垂淚別親賓漢地隨行盡胡關逐望新交
河擁塞霧隴日暗沙塵唯有孤明月猶能送遠人

隨行盡一

作行

將遠

同前

周王褒

蘭殿辭新寵椒房餘故情鴻飛漸南陸馬首倦西征寄
書參漢使銜涕望秦城唯餘馬上曲猶作出關聲

同前

集題云昭
君辭應詔

庾信

斂眉光祿塞遙望夫人城片片紅顏落雙雙淚眼生冰
河牽馬渡雪路抱鞍行胡風入骨冷夜月照心明方調
琴上曲變入胡笳聲

入一作作

同前

一云昭君辭
英華作何遜

隋何安

昔聞別鶴弄已自軫離情今來昭君曲還悲秋草并

同前

薛道衡

我本良家子充選入椒庭不蒙女史進更無畫師情蛾
眉非本質蟬鬢改真形專由妾命薄誤使君恩輕啼落
渭橋路歎別長安城今夜寒草宿明朝轉蓬征卻望關
山迴前瞻沙漠平胡風帶秋月嘶馬雜笳聲毛裘易羅
綺氊帳代帷屏自知蓮臉歇羞看菱鏡明釵落終應棄
髻解不須縈何用單于重詎假閼氏名馱蹏聊彊食桐

酒未能傾心隨故鄉斷愁逐塞雲生漢宮如有憶為視

旄頭星

今夜一作夜依明朝一作朝逐帷一作金桐一作筒

昭君歎

二首

范靜婦沈氏

早信丹青巧重貨洛陽師千金買蟬鬢百萬寫蛾眉

一作貨

作賂

今朝猶漢地明旦入胡關情寄南雲反思逐北風還

一作

高堂歌吹寂
遊子夢中還

楚王吟

梁張率

章臺迎夏日夢遠感春條風生竹籟響雲垂草綠饒相看重束素唯欣爭細腰不惜同從理但使一聞韶

楚妃歎

劉向列女傳曰楚姬楚莊王夫人也莊王好狎獵畢弋樊姬諫不止乃不食禽

獸之肉王嘗與虞丘子語以為賢樊姬笑之王曰何笑也對曰虞丘子賢矣未忠也妾充後宮十一年而所進者九人賢於妾者二人與妾同列者七人虞丘子相楚十年而所薦者非其子孫則族昆弟未聞進賢退不肖也妾之笑不亦宜乎王於是以孫叔敖為令尹治楚三年而莊王以霸樂府解題曰陸機吳趨行云楚妃且莫歎明非近題也謝希逸琴論有楚妃歎七拍

晉石崇

蕩蕩大楚跨土萬里北據方城南接交趾西撫巴漢東
被海涖五侯九伯是疆是理矯矯莊王淵渟岳峙冕旒
垂精充續塞耳韜光戢曜潛默恭已內委樊姬外任孫
子猗猗樊姬體道履信既紕虞丘九女是進杜絕邪佞
廣啓令脣割歡抑寵居之不吝不吝實難可謂知幾化
自近始著於閨闈光佐霸業邁德揚威羣后列辟式瞻
洪規譬彼江海百川咸歸萬邦作歌身沒名飛

右一曲
晉樂所

奏

同前

一云楚妃引

宋袁伯文

玉墀滴淒露羅幌已依霜逢春每先絕爭秋欲幾芳

同前

梁簡文帝

幽閨情脈脈漏長宵寂寂草螢飛夜戶絲蟲繞秋壁薄
笑未為欣微歎還成戚金簪鬢下垂玉飭衣前滴

楚妃吟

梁王筠

花早飛林中明鳥早歸庭前日煖春閨香氣亦霏霏香
氣漂當軒清唱調獨顧慕含怨復含嬌蝶飛蘭復裊裊

輕風入裙春可遊
歌聲梁上浮
春遊方有樂
沈沈下羅幕

楚妃曲

吳均

春粧約春黛如月復如蛾
玉釵照繡領金薄厠紅羅

王子喬

劉向列仙傳曰王子喬者周靈王太子晉也好吹笙作鳳鳴遊伊洛之間道人

浮丘公接以上嵩高山三十餘年後求之於山上見桓良曰告我家七月七日待我於緱氏山頭至時果乘白鶴駐山頭望之不得到舉手謝時人數日而去為立祠於緱氏山下及嵩高之首焉

古辭

王子喬參駕白鹿雲中遨參駕白鹿雲中遨下遊來王
子喬參駕白鹿上至雲戲遊遨上建逋陰廣里踐近高
結仙宮過謁三台東遊四海五嶽山過蓬萊紫雲臺三
王五帝不足令令我聖朝應太平養民若子事父明當
究天祿永康寧玉女羅坐吹笛簫嗟行聖人遊八極鳴
吐銜福翔殿側聖主享萬年悲吟皇帝延壽命

右一曲
魏晉樂

奏所

同前

集云王太子贊
姑從郭本收入

梁江淹

子喬好輕舉不待鍊銀丹控鶴去窈窕學鳳對嶺岵山
無一春草谷有千年蘭雲衣下躑躅龍駕何時還

去一作上

同前

一題有行字

高先生

仙化非常道其義出自然王喬誕神氣白日忽升天
暖御雲氣飄飄乘長煙寄想崆峒外翱翔宇宙間
七月有佳期控鶴崇崖巔永與時人別一去不復旋

飄飄一作飄飄

同前

北魏高允

王少卿王少卿超升飛龍翔天庭遺儀景雲漢爾光驚

電逝忽若浮騎日月從列星跨騰入廓踰宵冥尋元氣
出天門窮覽有無究道根

四弦曲

古今樂錄曰張永元嘉技錄有四弦一曲蜀國
四弦是也居相和之末三調之首古有四曲其
張女四弦李延年四絃嚴外四絃三曲闕蜀
國四絃節家舊有六解宋歌有五解今亦闕

蜀國絃

集題蜀國絃
歌篇十韻

梁簡文帝

銅梁指斜谷劒道望中區通星上分野作固下為都雅
歌因良守妙舞自巴渝陽城嬉樂盛劒騎鬱相趨五婦

行難至百兩好遊娛
牲祈望帝祀酒酹蜀侯姝
江妃納重聘卓女愛將雛
停絃時繫爪息吹治脣朱
脫衫前錦浪回扇避陽烏
聞君握節返賤妾下城隅

指斜谷玉臺作望絕國望

中區英華作臨中區盛一作所
爪一作介治脣朱一作更治水

同前

隋盧思道

西蜀稱天府由來擅沃饒
雲浮玉壘夕日映錦城
朝南尋九折路東上七星
橋琴心若易解令客豈難要

古樂苑卷十五